

Proteksen visa

Prisentesen



Yumi toktok stret long saed blong ol **Protection visas**



Australian Government



Introdaksen

Wan Proteksen Visa (Protection visa, sabklas 866) hemi blong ol stret asylum seekers (pipol we oli stap lukaot proteksen) we oli stap long denja o ol narafala i stap tritim nogud olgeta long ples blong olgeta.

Gavman blong Ostrelia hemi rilisim wan kampen blong tijim ol pipol abaot ol Protection Visas mo wanem eniwan i save fesem sapos oli traem blong brekem rul blong program ia.

I gat fulap fols infomesen abaot ol Protection visas we i stap go raon long ol komuniti, olsem olgeta blong Pasifik mo Timor Leste we oli stap liv long Ostrelia mo ovasi.

Ol fols infomesen ia i save gat strong panisman blong olgeta we oli aplae blong wan Protection visa mo ol famili blong olgeta.

Bislama

Prisentesen

Bigfala tingting blong kampen ia hemi blong givim aot ol infomesen mo ol tul blong stopem ol kiaman infomesen blong i no go raon mo mekem sua se ol komuniti i kasem stret advaes we oli nidim.

Blong katem daon ol fols infomesen ia, Dipatmen blong Hom Afea i stap givim akses long [fri ligol advaes](#) we i stap kam long ol ligol provaeda speselis long saed blong refiuji mo imigresen loa i go long eniwan we i stap tingting blong aplae blong wan Protection visa.

Advaes ia bae hemi save helpem ol pipol blong faenemaot sapos olgeta i mitim ol rul blong aplae blong wan Protection visa, mo katem daon risk blong yusum wan migresen ejen we i no rejista mo i save givim advaes we i no stret.

Yumi toktok stret long saed blong ol **Protection visas**



Australian Government

Fols infomesen abaot ol Protection visas

Ol Protection visas oli blong ol stret asylum seekers (o ol memba blong famli) we oli stap long denja sapos oli go bak lo hom o oli stap fraet long ol narafala we oli tritim nogud olgeta long saed blong res, rilijen, nasonaliti, oli memba blong wan kaen grup o tingting blong politik.

Wan Protection visa hemi no wan visa blong olgeta we oli wantem stap longtaem nomo long Ostrelia blong wok.

Ol migresen advaesa we oli no rejista moa stap putumaot ol sevis blong olgeta long sosel media mo long ol onlaen chat grup oli stap talem long ol pipol blong yusum Protection visa olsem wan rod blong save wok o stap longtaem moa long Ostrelia.

Ol advaesa ia oli save talem long olgeta we oli stap aplae blong oli givim fols o kiaman infomesen mo ol fols dokumen taem oli stap aplae blong wan Protection visa. Sam oli stap jajem fulap mane blong givim advaes we i no stret.

Long Ostrelia, hemi akensem loa blong wan i jajem narawan blong givim migresen advaes be i save givim advaes nomo sapos hemi wan migresen ejen we i rejista o wan ligol praktisona blong Ostrelia.

Sam emploia oli save givim ol narafala janis blong wok long Ostrelia mo talem long ol pipol we oli gat wan temporeri visa (visa blong sot taem) blong aplae blong wan Protection visa mo yusum fols mo kiaman infomesen.

Oli stap talem long ol studen tu blong aplae blong wan Protection visa wetem fols o kiaman infomesen blong mekem se oli save stap longtaem long Ostrelia mo wok.

Ol risk blong fols infomesen

Sistem blong Protection visa i bin jenis bigwan blong spidimap taem blong proses. Hemia i minim se ol pipol we oli aplae blong wan Protection visa blong wok o stap longtaem nomo long Ostrelia bae oli no save givim visa ia long olgeta.

Naoia fulap long ol niufala aplikesen blong Protection visa oli stap mekem desisen hariap bitim bifo. Olgeta we oli putum wan aplikesen blong Protection visa wetem fols o kiaman infomesen oli fesem strong panisman, olsem bigfala faen mo oli save go long kalabus.

Wan Protection visa we i no go tru bae i stap long rekod blong man o woman we i aplae. I minim se bae hemi had blong hem wetem famli i kam bak long Ostrelia long wan visa blong visita, studen o temporeri wok.

Hemia bae i save mekem i had blong kasem wan visa blong narafala kantri long wol, be i dipen long wanem kaen visa oli stap aplae from.

Olgeta we Protection visa blong olgeta i no go tru bae oli nomo save aplae blong fulap ol narafala visa mo oli mas aot long Ostrelia. Sapos oli nogat wan stret visa, bae Australian Border Force (Boda Fos blong Ostrelia) i holem olgeta mo muvumaot olgeta. Bae oli save askem olgeta blong pem bak praes blong mane we oli muvumaot olgeta we hemi save kasem fulap mane.

Long yia ia Australian Border Force i statem wan niufala operesen blong fokes blong holem olgeta we oli stap aplae be oli no kasem Protection visa. Bae oli muvumaot olgeta we temporeri visa i ekspae. Opersen ia i stap go hed.

Yumi toktok stret long saed blong ol **Protection visas**



Hao nao yu save help

I gat fulap apikesen blong Protection visa we i no go tru bitim olgeta we i go tru, mo olgeta blong Pasifik mo Timor Leste nao oli stap gat bigfala namba blong ol aplikesen blong Protection visa we oli no akseptem.

Ol pipol blong Pasifik mo Timor Leste nao oli gat hae ret blong ol aplikesen blong Protection visa we oli no go tru. Long fulap blong ol kantri ia, bitim 90% blong ol aplikesen we oli prosesem long 2023-24 i no bin mitim ol rikwes we oli nidim mo oli no akseptem.

Ol komuniti mo oganaesesen long Ostrelia oli gat wan impoten pat blong stopem ol kiaman infomesen ino go raon long olgeta we oli stap tingting blong aplae blong wan Protection visa.

Hemia i minim tu se blong talemaot infomesen abaot ol risk blong putum fols o kiaman infomesen long wan aplikesen blong visa mo blong yusum wan migresen advaes we i no regista.

Talem long olgeta we oli wantem aplae se ol Protection Visas oli blong ol stret aylum seekers hemi no blong ol pipol we oli wantem stap longtaem nomo long Ostrelia blong wok.

Sapos eniwan we i stap aplae blong wan Protection visa hemi askem yu blong raetem wan sapot leta blong hem, yu save mekem nomo sapos yu save se hemi wan stret asylum seeker - hemia i minim se olgeta oli stap fesem risk blong vaelens o oli fraet gud blong ol narafala i tritim nogud olgeta sapos oli go bak long hom.

Enkarejem olgeta blong kasem [fri ligol advaes](#) long wan ligol provaeda speselis we oli wok long saed blong refiuji mo imigresen loa long stet o teritri blong olgeta.

Hao nao yu save help

Fulap pipol we oli stap tingting blong aplae blong wan Protection visa oli no save o oli no andastanem wanem bae oli save fesem sapos oli travel i go long kantri we oli askem proteksen blong Ostrelia long hem.

Jekem se olgeta we i wantem aplae long wan Protection visa i andastanem se:

- Sapos oli putum wan aplikesen blong Protection visa, bae maet oli no save travel i go long kantri we oli askem proteksen blong Ostrelia long hem, iven sapos ol famili blong olgeta i stap long we.
- Sapos Protection visa blong olgeta i go tru, oli no save travel i go long kantri we oli askem proteksen (asylum) long hem sapos i no gat pemisen blong Gavman blong Ostrelia, iven sapos ol famli blong olgeta i liv long we.

Enkarajem eniwan we i stap tingting blong aplae blong wan Protection visa blong oli kasem fri ligol advaes blong ol ligol provaeda speselis we oli wok long saed blong refiuji mo imigresen loa long stet o teritri blong olgeta.

Advaes ia i save helpem olgeta we oli wantem aplae blong faenemaot sapos oli mitim ol rul blong Protection visa, eksplenem proses blong aplikesen mo helpem olgeta blong andastanem wanem trabol oli save fesem sapos aplikesen blong Protection visa i no go tru.

Hao nao Gavman blong Ostrelia i save helpem komuniti blong yu

Mifala i enkarejem yu blong serem ol mesej ia wetem eniwan we i stap tingting blong aplae blong wan Protection visa:

1. Blong faenem moa infomesen visitim [websaet blong Gavman blong Ostrelia](#).
2. Kasem [fri ligol advaes](#) blong ol ligol provaeda speselis we oli wok long saed blong refiuji mo imigresen loa long stet o teritri blong yu.
3. Jekem long ples ia, [Ofis blong Rejistresen Otoriti blong ol Migresen Ejen](#) blong faenem wan migresen ejen we i rejista.

4. Protektem yu wan mo komuniti blong yu. Ripotem ol migresen ejen we oli brekem loa i go long [Boda Waj blong Ostrelia](#).
5. Faenemaot sapos [narafala visa](#) bae hemi stret visa blong yu.

Dipatmen blong Hom Afea hemi mekem ol posta, infomesen pepa, post long sosel media mo ol narafala risos we yu save yusum blong helpem ol komuniti blong yu i save abaot ol Protection visas.

[Yu save faenem olgeta long ples ia.](#)

Hao blong ansa long ol nogud toktok long sosel media

I gat fulap kiaman infomesen abaot ol Protection visas we oli stap givimaot long ol pipol we oli liv long Ostrelia mo ovasi tru long sosel media.

Sapos yu lukim eni kiaman toktok abaot ol Protection visas we i stap go raon long ol chat grup mo ol grup onlaen, hemi wan janis blong yu luk save se hemi olsem wan kiaman infomesen mo givimaot stret infomesen we i stap long dokumen ia, mo tu long link ia -

homeaffairs.gov.au/protection

Protektem yu wan mo komuniti blong yu. Seremaot infomesen blong ol risk we i stap sapos wan hemi putum fols o kiaman infomesen long wan aplikesen blong Protection visa o hemi yusum wan migresen ejen we i no rejista.

Antap long hemia, enkarejem olgeta we oli tingting blong aplae blong kasem [fri ligol advaes](#) fastaem.



Tank **yu**

Blong tekem pat



Yumi toktok stret long ol **Protection visas**



Australian Government